

OLMOOŠVUOIGÄTVUODÄAIRÄSKODE JESÄNIJ NOMÄTTEM

Ovdâskode riehtiäššiuumuust adelum laavâ miel riehtiäššiolmooš aassât olmoošvuoigätvuođâairâskode, ko lii kuullâm olmoošvuoigätvuođâkuávdáá hoovdâ. Čuávuvâš airâskodde asetuvvoo pajan 1.4.2016–31.3.2020.

Olmoošvuoigätvuođâ já ton olmoošvuoigätvuođâairâskodde oovtâst ovdâskode riehtiäššiuumuin taheh Suomâ aalmuglâš olmoošvuoigätvuođâinstituutio. Olmoošvuoigätvuođâkuávdáá pargon lii

1. ovdediđ vuáđu- já olmoošvuoigätvuođâid kyeskee tiedtettem, šoddâdem, škovliitem já tutkâmuš sehe toid kyeskee oovtâspargo;
2. rähtiđ čielgiittâsâid vuáđu- já olmoošvuoigätvuođâi olášuumeest;
3. toohâđ aalgâid sehe adeliđ ciälkkâmušâid vuáđu- já olmoošvuoigätvuođâi ovdedem já olášuttem várás;
4. väldiđ uási vuáđu- já olmoošvuoigätvuođâi oovdedmân já turviimân kyeskee evrooplâš já eres almugijkoskâsâš oovtâspargon;
5. anneeđ huolâ eres västideijee vuáđu- já olmoošvuoigätvuođâi oovdedmân já olášuttemân kyeskein pargin.

Olmoošvuoigätvuođâkuávdáš ij kiedâvuš kuoddâlemijd. Olmoošvuoigätvuođâkuávdáš lii toimâlávtt jječânâs, mutâ haaldâtlávtt uási riehtiäššiuumii kanslia. Olmoošvuoigätvuođâkuávdáást lii asâttum ovdâskode riehtiäššiuumust adelum laavâ (535/2011) 3 a lovvoost.

Olmoošvuoigätvuođâkuávdáá olmoošvuoigätvuođâairâskode pargon lii laavâ miel:

1. kiedâvuššâđ vijđes já vuáđujurdulávtt tehálâš vuáđu- já olmoošvuoigätvuođâaašijd;
2. tuhhiittiđ jyehi ive olmoošvuoigätvuođâkuávdáá toimâmvuávám já toimâčielgiittâs;
3. toimâđ vuáđu- já olmoošvuoigätvuođâsyergi tuáimei aalmuglâš oovtâstpargo-orgaanin.

Laavâ miel airâskoddeest láá aalmugjeessânohtsâškode, vuáđu- já olmoošvuoigätvuođâitutkâm sehe eres vuáđu- já olmoošvuoigätvuođâi oovdedmân já turviimân uási väldei tuáimei ovdâsteijeeh. Airâskode jesâneh väljejuvvojeh sii persovnlâš äššitubdâm vuáđuld nuuvtt, ete čuákânpieijâmist olášuvâ muuneld mainâšum laavâ ulme. Airâskoodán kuleh lasseen pajemui lavâlâšvuođâkoccei, spesifâšairâsij já sämitige ovdâsteijeeh.

Jesânin nomâttum kalga čonnâsuđ airâskode tooimân. Jeessânvuođâ váátá njuolgâdâslâš uási väldim já valmâštállâm airâskode čuákkimijd sehe máhđulâš juávusporgâm. Airâskodde čokkân 2–4 keerdi ivveest já tast láá pargâváljukodde sehe pissoo juávusin vâdulij ulmui vuoigätvuođâid kiedâvuššee juávus. Lassen tast pyehtih leđe tiätu teemaid vuáijjoo eres juávuseh.

Airâskoodán nomâttuvvojeh 20–40 jesânid. Riehtiäššiolmooš puáhtá nomâttiđ airâskode jesânin meiddei iärrâs ko meriääigist ucâmuš kuáđđâm ulmuu.

Airâskoge čuákânpieijâmist heiviittuvvoo nisonij já almai koskâsâš täsiáárvust adelum laavâ 4 a § 1 moomeent vátámuš, mon miel staatâ komiteain, ráđádâllâmkuudijn já eres västideijei toimâorgaanijn kalga leđe sehe nisoneh ete almaah kuábbâáh-uv ucemustáá 40 prosenttid, jis ij lah spesifisâš suujah iärâsân.

Olmoošvuogátvuodâairâskode saavâjođetteijen tuáimá Olmoošvuogátvuodâkuávdáá hovdá. Airâskode väljee koskâvuodâstis värisaavâjođetteijee. Airâskode jesânijd máksih ovdâskode kanslia toimâkode meridem máávsu.

Olmoošvuogátvuodâairâskode jeessânvuodâst toimâpajan 1.4.2016–31.3.2020 peerustškuáttâm ulmuid pivdeh toimâttiđ ucâmuš ovdâskode riehtiäššiuulmuu kanslia kirjimkonttuurân (***oikeusasiat@eduskunta.fi*** tai **Arkadiankatu 3, 00102 EDUSKUNTA**). Ucâmusah kalgeh leđe ovdâskode riehtiäššiuulmuu kanslia kirjimkonttuurâst **majemustáá 8.1.2016 tme 16:00**.

Ucâmušâst kalgeh leđe čuávuviih ääših

- Ohtâvuodâtiäđuh (ovdânommâ, suhânommâ, čujottâs, puhelin, šleđgâpostâ – maht pyeremusávt juksá)
- Škovliittâs já áámmát
- Kuvvim vuáđu- já olmoošvuogátvuodâid kyeskee tâi eres airâskode pargoi já ulme pee-leest anolâš äššitubdâmist, hárjánmist já toimâmist.

Ucâmušâid pivdeh lahteh ánsuluváttállâm tâi nommâkirjeváldus.

Ucâmušâst pivdeh meiddei mainâstiđ uánihávt, mondiet occee ocá olmoošvuogátvuodâairâskode jesânin.

Tiäđustállâmiđ västid oovdânpyhteeneuvos Riitta Länsisyrjä, (riitta.lansisyrja@eduskunta.fi), 09 - 432 3363.